



3. april 2008

Inatsisartut Suleriaasianni § 36, imm. 1 naapertorlugu matumuuna Naalakkersuisunut imaattumik apeqquaqarniarpunga:

Inuussutissarsiornermut Suliffeqarnermullu Naalakkersuisup Inatsisartunik eqqunngitsumik paasisutissiinera pillugu Naalakkersuisunut apeqquq.

(Inatsisartunut ilaasortaq Lene Knüppel, Demokraatit)

Tunngavilersuut:

28. februar 2008 nuttarsinnaanermut aningaasaateqarfimmut tunngasumik § 36 atorlugu apeqqu-timma akissutaat tiguakka. Akissutini Inuussutissarsiornermut Suliffeqarnermullu Naalakkersui-soq ima allappoq:

”Nalunaarut eqqartorneqartoq naammasineqarpoq 1. marts 2008-milu atuutilissalluni.”

Taamatut akissuteqarnermigut Naalakkersuisunut ilaasortaq qularutiginnigilluinnakkannik Inatsi-sartunut ilaasortat akisussaanagerat pillugu Inatsisartut inatsisaannik nr. 6-imik 13. maj 1993-imeersumik unioqquitsivoq . § 6 issualarlara:

”§ 6. Naalakkersuisunut ilaasortaq § 10 naapertorlugu pineqaatissinneqassaaq piaaraluni ima-luunniit mianersuaalliorujussuarnermigut Inatsisartut Naalakkersuisullu pillugit Inatsisartut i-natsisaat inatsisilluunniit allat malillugit imaluunniit atorfimmi suunera malillugu imminut pi-sussaaffigisassanngortitaasut malillugit iliunngikkuni.

Imm. 2. Imm. 1-imi aalajangersagaq aamma atorneqartassaaq Naalakkersuisunut ilaasortaq eqqunngitsumik paasinerluutaasinnaasumilluunniit inatsisartunut paasisutissiisimappat ima-luunniit inatsisartut oqaluuserisassamik oqaluuserinninneranni paasisutissanik oqaluuserisap inatsisartunit aalajangiiffigineqarnissaanut annertuumik pingaaruteqartunik nipangiussisimap-pat.”

Ilumoortut piviusullu tassaapput Naalakkersuisunut ilaasortap nalunaarut eqqartorneqartoq ulloq 10. marts 2008 aatsaat atsiormagu, nalunaarullu tamanna pillugu aatsaat ullormi 15. marts 2008-mi atuutillerluni. Naalakkersuisunut ilaasortap akissutini uannut nassiukkamiuk nalunaarut atsior-simanninnamiuk ilisimasimasariaqaraluarppaa, taamaattumillu uanga – taamalu Inatsisartut – uanga paasisinnaasattut eqqunngitsumik paasisutissinneqarnerput - piaaraluneernerulluni.

Tamanna tunngavigalugu apeqqutit makku akineqarnissaat piumasarissagualarpara:

1. Inuussutissarsiornermut Suliffeqarnermullu Naalakkersuisup eqqunngitsunik paasisutissii-neranut suna pissutaava taamaalilluni taanna Inatsisartunut ilaasortat akisussaanagerat pillugu Inatsisartut inatsisartut inatsisaat nr. 6 13. maj 1993-imeersoq nuttarsinnaanermut aningaasaateqarfimmut tunngasumik uannut akissuteqarnermini unioqququtillugu?
2. Naalakkersuisunut siulittaasup Naalakkersuisunut ilaasortamut pineqartumut Inatsisartunut ilaasortat akisussaanagerat pillugu Inatsisartut inatsisaata nr. 6-ip 13. maj 1993-imeersup male-ruarneqarnissaa erseqqissaatigissavaa?
3. Inatsisartunut ilaasortat akisussaanagerat pillugu Inatsisartut inatsisaat nr. 6 13. maj 1993-imeersoq Inuussutissarsiornermut Suliffeqarnermullu Naalakkersuisumut kinguneqartitsissa-va?

Ullut suliffiit qulit qanngiutinnginneranni akineqarnissara piumasarissavara.